



SLUŽBENE NOVINE OPĆINE ZENICA

GODINA XXXIX
Broj 4

Petak 05.06.2013. godine

ISSN 1840-4588

VIJEĆE OPĆINE

38.

Na osnovu člana 16. i člana 132. Zakona o zaštiti od požara i vatrogastvu („Službene novine Federacije BiH“, broj: 64/09), člana 15., i člana 124. stav 1. tačka f., i 132., stav 1. i 2. Zakona o zaštiti od požara i vatrogastvu („Službene novine Zeničko – dobojskog kantona“, broj: 5/11), člana 8. stav 3. tačka 18. Zakona o principima lokalne samouprave Federacije Bosne i Hercegovine („Službene novine Federacije BiH“, broj: 49/06 i 51/09), i člana 22. tačka 6. Statuta općine Zenica („Službene novine općine Zenica“, broj: 4/08), na prijedlog Načelnika općine, Vijeće općine Zenica, na 7. sjednici održanoj 07. maja 2013. godine, donosi:

ODLUKU

o visini naknade za vatrogastvo

Član 1.

Ovom odlukom utvrđuje se obaveza plaćanja naknada za vatrogastvo privrednim društvima i drugim pravnim licima, organima uprave i drugim institucijama, visina naknade, kao i način i rokovi plaćanja.

Član 2.

Obveznici naknade iz prethodnog člana su:

- privredna društva i druga pravna lica vlasnici ili korisnici poslovnih objekata (građevina) i skladišta,
- vlasnici ili korisnici proizvodnih i drugih privrednih objekata (građevina),
- vlasnici ili korisnici samostalnih radnji.

Obveznici koji imaju uređen način protivpožarne zaštite (imaju oformljenu jedinicu za gašenje požara) ili su sklopili Ugovor o pružanju usluga zaštite od požara i spašavanja ljudi i materijalnih dobara ugroženih požarom

sa Profesionalnom vatrogasnom jedinicom, općine Zenica, oslobođeni su plaćanja naknade za vatrogastvo.

Član 3.

Visina naknade za vatrogastvo iz člana 1. ove odluke određuje se prema jedinici površine objekta (građevine) koju koriste obveznici iz člana 2. Odluke, te prema požarnom opterećenju i požarnom riziku objekta (građevine), a ona iznosi:

- za poslovne objekte (građevine) površine do 100 m² utvrđuje se paušal, u iznosu od10,00 KM godišnje;
- za poslovne objekte (građevine) površine preko 100 m²0,01 KM/m² mjesečno;
- za skladišne prostore 0,05 KM/m² mjesečno;
- za objekte (građevine) koje koriste: zdravstvene, obrazovne, kulturne, vjerske institucije, ustanove i organizacije0,001 KM/m² mjesečno.

Za privredna i druga pravna lica, koja se bave proizvodnjom, preradom, distribucijom ili skladištenjem zapaljivih ili ostalih opasnih materija, kod kojih postoji povećana opasnost od požara i eksplozija, visina naknade utvrđuje se na osnovu površine objekta (m²) (građevine) u kojem se ta djelatnost obavlja i iznosi.....0,1 KM/m² mjesečno.

Za benzinske pumpe visina naknade utvrđuje se na osnovu kapaciteta rezervoara za gorivo po (m³) i iznosi 1,00 KM/ m³ mjesečno.

Član 4.

Prikupljena finansijska sredstva po osnovu ove odluke mogu se koristiti za slijedeće namjene:

- za nabavku tehničke opreme za potrebe Profesionalne vatrogasne jedinice i sredstava za gašenje požara,
- za održavanje objekata, investicionu izgradnju i opremanje objekata za potrebe vatrogasnih jedinica ,

- za pomoć u radu Dobrovoljnog vatrogasnog društva,
- za obrazovanje vatrogasnih kadrova,
- za edukaciju građanstva iz oblasti zaštite od požara,
- za ostale namjene vezane za održavanje i unapređenje protivpožarne zaštite.

Član 5.

Naknadu iz člana 3. ove odluke obveznici su dužni platiti po ispostavljenom rješenju o određivanju naknade.

Član 6.

Administrativni poslovi, koji se odnose na donošenje rješenja o utvrđivanju obaveze i visini naknade, naplata naknade za vatrogastvo, poduzimanje neophodnih radnji u slučaju eventualnog pokretanja prinudne naplate, obavljaće J.P. za prostorno planiranje i uređenje grada „Zenica“ Zenica d.o.o.

Član 7.

Donošenjem ove odluke, prestaju da važe:

Odluka o osnivanju Općinskog fonda za vatrogastvo Zenica, broj: 01-01-18796/05 od 17.11.2005. godine („Sl. novine općine Zenica“, 8/05), Odluka o utvrđivanju visine naknade za obezbjeđenje sredstava Općinskog fonda za vatrogastvo, broj: 01-01-18802/05 od 17.11.2005. godine. („Sl. novine općine Zenica“, 8/05) i Odluka o izmjenama i dopunama Odluke o utvrđivanju naknade za obezbjeđenje sredstava Općinskog fonda za vatrogastvo, broj: 01-01-1736-2/07 od 19.06.2007.godine („Sl. novine općine Zenica“, 6/07).

Član 8.

Ova odluka stupa na snagu osmog dana od dana objavljivanja u „Službenim novinama općine Zenica“.

Broj: 01-01-8445/13
Zenica, 07.05.2013.godine

PREDSJEDAJUĆI
VIJEĆA OPĆINE ZENICA

Nebojša Nikolić, s.r.

39.

Na osnovu člana 8. stav 3. alineja 8. i 11. i člana 13. stav 2. alineja 4. Zakona o principima lokalne samouprave u Federaciji Bosne i Hercegovine («Službene novine F BiH», br. 48/06) i člana 22. tačka 2. Statuta općine Zenica («Službene novine općine Zenica», br. 4/08) Vijeće općine Zenica na svojoj 8. sjednici održanoj 30. maja 2013. godine, donijelo je

ODLUKU

o dopuni Odluke o komunalnim djelatnostima zajedničke potrošnje

Član 1.

Ovom odlukom vrše se dopune Odluke o komunalnim djelatnostima zajedničke potrošnje («Službene novine općine Zenica», br. 7/01, 4/07, 1/10 i 2/11, u daljem tekstu: Odluka).

Član 2.

U članu 6. Odluke dodaje se novi stav tri koji glasi:

«Komunalna naknada se određuje i za nadzemne i podzemne instalacije elektroprenosne mreže, telekomunikacijske mreže, plinske mreže i TV kablovske mreže».

Član 3.

U članu 9. Odluke dodaje se novi stav dva koji glasi:

«Mjesečni iznos komunalne naknade za nadzemne i podzemne instalacije elektroprenosne mreže, telekomunikacijske mreže, plinske mreže i TV kablovske mreže utvrđuje se kao proizvod ukupne dužine podzemnih i nadzemnih instalacija i vrijednosti boda kako slijedi:

- elektroprenosna, elektrodistributivna mreža i telekomunikacijska mreža0,06 KM/m
- plinska mreža.....0,05 KM/m
- TV kablovske mreže.....0,04 KM/m.

Član 4.

Iza člana 17. Odluke dodaju se novi članovi 17a. I 17b. Koji glase:

«Član 17a.

Komunalna naknada se plaća i za preuzimanje i korištenje materijala odloženih na deponijama industrijskog otpada kad se isti preuzima radi dalje upotrebe ili prerade u skladu sa propisima o zaštiti okolišta, kao i preuzimanja humusa zemlje.

Naknada za preuzimanje materijala iz prethodnog stava iznosi minimum:

- za industrijski otpad.....1 KM/m³
- za humus3 KM/ m³
- za zemlju i sl.....1,5 KM/ m³

U slučaju preuzimanja materijala iz prethodnog stava u procedurama javne prodaje/licitacije iznos naknade iz prethodnog stava uzima se kao početna cijena».

«Član 17b.

Obaveza vlasnika mreže iz člana 2. ove Odluke je da na zahtjev ovlaštenog subjekta predoči potrebnu dokumentaciju na osnovu koje se može ustanoviti obaveza plaćanja komunalne naknade i podatke o instalacijama koji predstavljaju osnov za visinu obračuna.

S ciljem definiranja iznosa ukupne obaveze plaćanja naknade formirat će se zajednička komisija sastavljena od jednakog broja članova tehničke, ekonomske i pravne struke koja će na osnovu odgovarajuće tehničke dokumentacije utvrditi dužinu mreža iz prethodnog stava».

Član 5.

Iza člana 19. Odluke dodaje se poglavlje «IV- kaznene odredbe» i član 19a. Koji glasi:

«Član 19a.

Novčanom kaznom u iznosu od 500 KM do 3000 KM kaznit će se pravno lice, a u iznosu od 200 KM do 500 KM odgovorno lice u pravnom licu za prekršaj kako slijedi:

- ako na zahtjev ovlaštenog lica ne predoči potrebnu dokumentaciju na osnovu koje se može ustanoviti obaveza plaćanja komunalne naknade,
- ako na zahtjev ovlaštenog subjekta ne predoči potrebnu dokumentaciju na osnovu koje se može ustanoviti obaveza plaćanja komunalne naknade i podatke o instalacijama koje predstavljaju osnov za obračun,
- ako ne prijavi promjenu okolnosti na osnovu kojih je utvrđena obaveza i izračunat iznos komunalne naknade.»

Član 6.

Ova odluka stupa na snagu osmog dana od dana objavljivanja u «Službenim novinama općine Zenica.»

Broj:01-01-9859/13

Zenica, 30. maj 2013. godine

PREDSJEDAVAJUĆI
VIJEĆA OPĆINE ZENICA

Nebojša Nikolić, s.r.

40.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj: 2/10) Vijeće općine Zenica na 8. sjednici održanoj 30. maja 2013. godine, donijelo je

ODLUKU

**o dodjeli mandata kandidatu člana Savjeta MZ
„Orahovica“**

Član 1.

Umjesto **Hodžić Armina**, zbog neprisustvovanja sjednicama Savjeta MZ „Orahovica“ dodjeljuje se mandat člana Savjeta MZ „Orahovica“ **Čolaković Husi**, kao sljedećem kandidatu po teritorijalnom principu sa liste za izbor članova Savjeta.

Član 2.

Ova odluka stupa na snagu danom donošenja i objaviće se u «Službenim novinama općine Zenica».

Broj: 01-01-9865/13

Zenica, 30. maj 2013. godine

PREDSJEDAVAJUĆI
VIJEĆA OPĆINE ZENICA

Nebojša Nikolić, s.r.

41.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj: 2/10) Vijeće općine Zenica na 8. sjednici održanoj 30. maja 2013. godine, donijelo je

ODLUKU

o dodjeli mandata kandidatu člana Savjeta MZ „Koprivna“

Član 1.

Umjesto **Šarić Šefika**, zbog podnošenja ostavke na funkciju člana Savjeta MZ „Koprivna“, dodjeljuje se mandat člana Savjeta MZ „Koprivna“ **Šarić Ramizu** kao sljedećem kandidatu po teritorijalnom principu sa liste za izbor članova Savjeta.

Član 2.

Ova odluka stupa na snagu danom donošenja i objaviće se u «Službenim novinama općine Zenica».

Broj: 01-01-9863/13

Zenica, 30. maj 2013. godine

PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.

NAČELNIK OPĆINE

42.

Na osnovu člana 158. Odluke o komunalnom redu („Službene novine općine Zenica“ broj : 7 /11 – prečišćen tekst) i člana 36. tačka 6. Statuta općine Zenica („Službene novine općine Zenica“, broj : 4/08), Načelnik općine Zenica donosi

N A R E D B U

o provođenju obavezne preventivne sistematske deratizacije na području općine Zenica – proljetna faza 2013. godine

I

Obavezna preventivna sistematska deratizacija na području općine Zenica – proljetna faza 2013.godine, provest će se u periodu od 28.05. do 06.06.2013. godine.

II

Obaveznu preventivnu sistematsku deratizaciju će organizovati i sprovesti Kantonalni zavod za javno zdravstvo Zenica uz stručni nadzor Higijensko-epidemiološke službe « JU Dom zdravlja »Zenica.

III

Obaveznom preventivnom sistematskom deratizacijom će biti obuhvaćeni sljedeći objekti i površine :

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotoka u gradskim i prigradskim zonama,
3. Centralne deponije kao i nezvanična (neorganizovana) smetlišta u gradskim naseljima,
4. Vaspitno – obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,

9. Vjerski objekti i groblja u gradskim naseljima,

10. Kanalizacione mreže sa šahtovima i izlivnim kolektorima,

11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti ,

12. Stacionirani objekti i sredstva javnog saobraćaja ,

13. Objekti za proizvodnju i promet živežnih namirnica i predmeta opće upotrebe (korisnici i vlasnici istih),

14. Objekti za pružanje usluga javne higijene i

15. Zajednički prostori stambenih zgrada (podrumi i tavana)

IV

Troškove obavezne preventivne sistematske deratizacije pod rednim brojem 1. do 9. snose Kanton i Općina Zenica iz svojih budžeta, a troškove pod rednim brojem 10., 11., 12.,13., 14. i 15. snose subjekti koji njima upravljaju.

V

Subjekti koji podliježu provođenju obavezne preventivne sistematske deratizacije dužni su obezbijediti nesmetan rad izvođačima bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije. U protivnom će biti sankcionisani prema važećim propisima.

VI

Kontrolu izvođenja akcije obavezne preventivne sistematske deratizacije na području općine Zenica će provoditi općinski sanitarni inspektor - Bečić Meliha.

VII

Naredba stupa na snagu danom donošenja, a objaviće se u „Službenim novinama općine Zenica“ i putem sredstava informisanja.

Broj : 02-14-8889/13

Zenica, 17. 05. 2013. godine

NAČELNIK OPĆINE
Husejin Smajlović, s.r.

43.

Na osnovu člana 56. Zakona o sportu («Službene novine Ze-Do kantona », broj: 11/02, 1/04, 9/11 i člana 117. Statuta općine Zenica («Službene novine općine Zenica», broj: 4/08), Načelnik općine Zenica, d o n o s i

R J E Š E N J E

o imenovanju Komisije za raspodjelu budžetskih sredstava za sport

I

U Komisiju koja će sačiniti prijedlog Programa utroška sredstava sa kriterijima raspodjele sredstava Tekućeg transfera za sport, utvrđenog Budžetom općine Zenica za 2013. godinu Službi za društvene djelatnosti i socijalnu zaštitu, imenuju se :

1. Arnel Kalušić, predsjednik
2. Aleksa Stanković, član
3. Ermin Zukić, član
4. Damir Pripoljac, član
5. Mirsada Karić, član

II

Imenovanim članovima Komisije po izvršenom zadatku iz tačke I ovog Rješenja, pripada pravo na posebnu naknadu, a što će se utvrditi posebnim zaključkom Načelnika Općine.

III

Ovo rješenje stupa na snagu danom donošenja, a objavit će se u « Službenim novinama općine Zenica».

Broj : 02 – 14-6087/13

Zenica ,01.04.2013. godine

NAČELNIK OPĆINE

Husejin Smajlović, s.r.

44.

Na osnovu člana 36. tačka 6. Statuta Općine Zenica ("Službene novine općine Zenica", broj 4/08) i člana 16. Odluke o organizaciji općinske uprave ("Službene novine općine Zenica", br. 3/02), na prijedlog Službe za društvene djelatnosti i socijalnu zaštitu, Načelnik općine Zenica, donosi

RJEŠENJE

o imenovanju članova Komisije za ocjenu prijedloga projekata po Javnom pozivu upućenom organizacijama civilnog društva za dostavljanje prijedloga projekata u općini Zenica u 2013. godini.

Član I

U sastav Komisije za ocjenu prijedloga projekata po javnim pozivima za organizacije civilnog društva u 2013. godini u općini Zenica u ime Općine imenuju se sljedeći predstavnici:

1. Zijad Softić, pomoćnik načelnika-predsjednik komisije
2. Selmir Čolaković, stručni saradnik za NVO sektor/civilni sektor-član
3. Miralem Redžić, stručni saradnik za pitanja mladih-član

Član II

U sastav Komisije u ime organizacija civilnog društva imenuju se sljedeći predstavnici i zamjenici, koji su izabрани voljom većine OCD-a na sastanku održanom dana 24.04.2013. godine:

1. Gordana Čičak, predstavnik OCD sa područja općine Zenica-član

Melisa Haćimić-Ljubović, zamjenik predstavnika OCD-zamjenik člana

2. Nermina Zubača, predstavnik OCD sa područja općine Zenica-član

Mirhunisa Bektaš, zamjenik predstavnika OCD-zamjenik člana

Član III

Komisija predstavlja tijelo koje provodi ocjenjivanje pristiglih prijedloga projekata. Svi članovi Komisije imaju jednaka prava i obaveze. Komisija ima zadatak da izvrši ocjenu i odabir svih pristiglih prijedloga projekata po Javnom pozivu upućenom organizacijama civilnog društva za

dostavljanje prijedloga projekata u općini Zenica u 2013. godini. Komisija predlaže projekte za finansiranje u okviru raspoloživih sredstava opredijeljenih po Javnom pozivu.

Član IV

Naknada za rad predsjednika, članova odredit će se posebnim aktom, nakon okončanja postupka odabira.

Član V

Ovo rješenje stupa na snagu danom donošenja, a objavit će se u "Službenim novinama općine Zenica".

Broj: 02-14-8479/13

Zenica, 07.05.2013. godine.

NAČELNIK OPĆINE
Husejin Smajlović, s.r.

45.

Na osnovu člana 10. tačka 4. Zakona o udruženjima i fondacijama („Službene novine FBiH“, broj: 45 / 02) i člana 36. tačka 19. Statuta općine Zenica („Službene novine općine Zenica“, broj: 4 / 08), Načelnik općine Zenica, donosi

ZAKLJUČAK

o odobravanju unošenja naziva općine Zenica u naziv udruženja

I

Društvu likovnih akademskih umjetnika Zenica iz Zenice, odobrava se unošenje u naziv udruženja naziva općine „Zenica“.

II

Ovaj zaključak stupa na snagu danom donošenja, a objavit će se u „Službenim novinama općine Zenica“.

Broj: 02- 49-7931/13

Zenica, 06. 05. 2013. godine

NAČELNIK OPĆINE
Husejin Smajlović, s.r.

46.

Na osnovu člana 10. tačka 4. Zakona o udruženjima i fondacijama („Službene novine FBiH“, broj: 45 / 02) i člana 36. tačka 19. Statuta općine Zenica („Službene novine općine Zenica“, broj: 4 / 08), Načelnik općine Zenica, donosi

ZAKLJUČAK

o odobravanju unošenja naziva općine Zenica u naziv udruženja

I

Udruženju građana „ZENIČKI MARATON“ iz Zenice, sa sjedištem u ulici Mehmeda Spahe broj 3. odobrava se unošenje u naziv udruženja naziva općine „ZENICA“.

II

Ovaj zaključak stupa na snagu danom donošenja, a objavit će se u „Službenim novinama općine Zenica“.

Broj: 02- 49-6443/13

Zenica, 10. 04. 2013. godine

NAČELNIK OPĆINE
Husejin Smajlović, s.r.

SADRŽAJ

VIJEĆE OPĆINE

38. ODLUKA o visini naknade za vatrogastvo	1
39. ODLUKA o dopuni Odluke o komunalnim djelatnostima zajedničke potrošnje.....	2
40. ODLUKA o dodjeli mandata kandidatu člana Savjeta MZ „Orahovica“	3
41. ODLUKA o dodjeli mandata kandidatu člana Savjeta MZ „Koprivna“	4

NAČELNIK OPĆINE

42. NAREDBA o provođenju obavezne preventivne sistematske deratizacije na području općine Zenica – proljetna faza 2013. godine	4
43. RJEŠENJE o imenovanju Komisije za raspodjelu budžetskih sredstava za sport	5
44. RJEŠENJE o imenovanju članova Komisije za ocjenu prijedloga projekata po Javnom pozivu upućenom organizacijama civilnog društva za dostavljanje prijedloga projekata u općini Zenica u 2013. godini.	6
45. ZAKLJUČAK o odobravanju unošenja naziva općine Zenica u naziv udruženja.....	6
46. ZAKLJUČAK o odobravanju unošenja naziva općine Zenica u naziv udruženja ”Zenički maraton”	7